

玉茗堂全集

玉茗堂尺牘目次

卷之一

奉張龍峰先生

答舒司寇

與申敬中

答趙贊善

再奉張龍峰先生

與司吏部

與李道甫

答馮具區

別沈太僕

答管東溟

尺牘

目錄

答屠緯真

上張洪陽相公

答郭明龍

又

答李玉繩

再答趙贊善

答王澹生

答王宇泰

寄王弘陽

寄賀知忍

寄高大僕

與劉上和

答謝繹梅

奉李漸菴司寇

寄萬二愚

答劉子威論樂

再答劉子威

寄吳復菴

寄何濱巖

奉羅近溪先生

答余中宇先生

答張起潛先生

寄鄧惟審

寄石楚陽

答劉士和

復朱澹菴司空

寄傅太常

寄劉芝陽

答徐聞熊令

答徐聞鄉紳

與張東山

寄曾大理

答於彭澤

答岳石帆

答李宗誠

卷之二

謝陳王壘相公

慰曾景熙方伯

復劉樞伯

寄章仲明侍郎

寄李心湖祠部

寄李宗誠

答余內齋

寄吳世行

答李舜若觀察

答劉中允

寄江陵張幼君

與來武選

與帥惟審

柬丁庚陽

與顧涇陽

與周雲淵長者

柬吳拾之

柬姜耀先

奉朱澹菴司空

答祝無功

與黃對茲吏部

答陳公衡

答徐檢吾光祿

答潘完樸大叅

寄達觀

寄杜胤臺

寄伍念父

又

答馮永安

答魯樂同司理

寄李舜若侍御

答吳四明

答王伯臯

寄馬心易比部

答沈司空

答王子聲

復滕侯趙仲一

慰浙撫王公

與袁六休

與李宗誠

答王方麓先生

答習之

寄吳樓巖

寄袁石浦太史

寄吳汝則樾丞

復項諫議徵賦書

上蔡觀察

答平昌孝廉

答楊日南嵯使

與帥公子從升從龍

寄荊州姜孟穎

寄王新盤觀察

與周叔夜

與王悅之

柬長卿

奉祭酒戴愚齋先生

與李道甫

答鄒大澤

答顧涇陽

報鬱儀宗侯

與史玉池給諫

與丁中父比部

答魏見泉中丞

答汪登原中丞

復門人藍翰卿

寄湯霍林

又

又

又

卷之三

答錢岳陽督學

壽洪陽張相公

客表滄孺邑侯

客鄧遠遊侍御

客駱台晉督學

與張自雲

與曹尊生廷尉

客王雪泉侍御

與黃貞甫

客鄒爾瞻

與魏昇泉公子

道中

客孫侯居

客郭明龍

與曾金簡

寄李本寧

客真寧趙仲一

答山陰王遂東

與岳石梁

與丁長孺

與黃貞父

答趙夢白

謝鄒愚公

復費文孫

答馬心陽

答黃貞父

復熊思誠督學

與于中父

與鄒南阜

答袁中郎銓部

寄李鵬岳

寄羅匡湖

與許伯厚

答袁滄孺

與賀知忍

與但直生

寄梅禹金

寄劉天虞

與張伯昇

與張異度

答黃鳳衢

寄孫區吳憲伯

與李麟初太史

答費學卿

答黃右父

與李選素方伯

與王觀生

答陳如吉給諫

答戴曼吉

寄梅暖宇

答陳子顯

答鄭著存

與魏見五

與許仰亭吏部

與汪二魯

與吳季倫

與高旭玄

與李九我宗伯

答石楚陽

與唐凝菴

與于中父

與廖士沂

答林若撫

答黃九洛

寄蘇君源郡伯

候董廓菴司空

候王恒叔鴻臚

答馮具區司成

卷之四

與門人胡元吉

答黃荊卿

寄鄒爾瞻

與傅商盤司成

答李沐山

寄余堯圃

答姜仲文

與朱以功

與馮文所大衆

與錢抑之

與姚承菴

與陳匡左

與丘毛伯

寄羅杜宇中丞

答陸學博

寄膠州趙玄冲

與張文石

答呂姜山

與陸景鄴

寄袁小修

寄南弦浦關中

與熊芝圃

答石楚陽中丞

答高景逸

答岳石軌

答諸景陽

寄董思白

答阮堅之

答鄒公履

答凌初成

與湯霍林

答王宇泰

與李麟初

與門人李孺德

與劉晉卿

又

與門人孫子京

答黃右文

與丁長孺

與吳曙谷宗伯

答王太蒙中丞

與門人王起莘

答鄒賓川

與劉冲倩

與晏懷泉給諫

與吳本如岳伯

答張夢澤

與車嘉典

又

與孫令弘

答朱公子茂正

上馬映台先生

答于中父

與彭興祖

答黃金宇文學

答朱廣原

答余允升

答陸景艸

與張凝一

答王慕夢憲伯

與門人劉琪叔

與門人周仁夫

答徐然明

與門人葉時陽

與門人時君可

寄鄒梅宇

與趙南渚計部

答張夢澤

與門人陳伯達

與馬公子長卿

與王止敬侍御

復甘義麓

答陳古池

與朱以功

答錢簡棲

答但直生

謝鄭輅思羈伯爲作相圖生祠畫像記

答繆仲淳

復牛春宇中丞

卷之五

與劉大虞

答易白樓

與門人余成輔

答許子洽

與李還素

答門人黃元常

東陳如吉給諫

與吳繼疎

答曠聲和

答費學卿

與幼晉宗侯

寄張聖如齋使

與丘毛伯

答孫子京

賀王紹賓憲伯

寄門人朱六義

與馬梁園

寄林丹山

與吳伯霖

與許伯厚

答黃二爲

寄曾金蘭

與門人李超無

與李孺德

與門人劉大甫

答朱朱陵

答李乃始

與孫見玄

與劉君京

與門人王得環

與姜仲文

答董嘉生

東門人李太虛

與沈華東憲伯

與常州倅陳翼愚

與蘇石水督學

與門人陳仲宣

答王霽宇制府

寄陶石簣

答章斗津

寄馬梁園

與饒三明

答衛淇竹中丞

與龍身之

與陳思岡給諫

與鄧太素

尺牘

目錄

十二

與嘿菴宗侯

寄魏合虛大行

答牛春宇中丞

答門人蕭承之

答丁石武

與門人朱爾玉

寄謝耳伯

與王祖如

與馬心易

與岳石帆

與吳葵臺

答劉貽哲

復門人王天根

答李孟白岳伯

復徐鍾汝

復丁振方岳伯

與易楚衡

與蔡視亭

答門人吳芳臺

船使

寄郭振龍

答陳偶愚

與孫見玄學博

答吳岷陽

答孫公哲

答馬心易

寄董思白

答汪雲陽大叅

與阮寄卿

東徐觀我

答王起莘

答馮觀察

寄薛欽字

與劉宗魯

與李孺德

答樊致虛

答沈河山

答鄭孩如

與汪雪陽

答王觀生

與孫子京

寄林丹山

與朱永陵

寄蔡虛臺憲伯

答孫見玄平昌學博

與吳縮生

答卞玄樞

與吳亦勉

與岳石梁

寄薛欽宇觀察

與陸津陽岳伯

復瞿膚夫

寄徐聞陳慎所

復俞淳初侍御

復胡瑞芝司空爲二

女納采作

賀吳曙谷相公

寄馮文所

卷之六

答吳徹如

又

與李稠原

答張稚原

與蔡質凡繩伯

謝徐匡嶽

答馬仲良

答彭芹生侍御

答門人鄭龍如

與孫子潛

答門人鄧君遷

答李乃始

答門人桂仲雅

答王宇泰

與宜伶羅章二

寄虞德園

與但直生

與張大復

答蘇翁源翹伯

答沈湛源

柬鄒梅宇

復汪雲陽

答鄒爾瞻

寄李季宣

與李莪明

答羅敬叔

答門人曾在中

與無去上人

與翁泰輿

與盧貞常大叅

與方玉城

答趙我白太史

答羅匡湖

寄左滄嶼

答王相如

答黃貞父

答李還素

寄彭魯軒侍御

答沈華東

答門人陳仲容

寄李孺德

答張雨若

寄姜守冲公子

與康日穎

答張了心

與門人吳來復

答來任卿觀察

與余成輔

答遂昌宰友吾

與王觀生

與朱象峰

與羅玄父

答樂愚上人

寄盧貞常

寄門人傅雲中

寄葉增城

答江完素

答岳石帆

答李鵬岳

答余瑤圃

答李淮南

答錢受之太史

與葛屺瞻大叅

寄朱朱陵

與喻叔虞

答楊景歐大行

答沈幼宰

與余節侯

與門人李本仁

與胡實美

答顧伯欽

與男開遠

答羅匡湖

寄門人饒見石

柬杜西華

柬羅敬叔

答李孟白岳伯

答門人李實夫

答馬穉遙

寄朱以功

答劉宗魯

答門人萬可權

寄韓求仲

又

與錢簡棲

堂尺牘目錄終

玉茗堂全集

臨川義仍公祖著

尺牘

奉張龍峯先生

潞水維舟奕旨琴歌旁無長物殊有蕭蕭之致
至於今美人漢京矣大臣執法當進賢退不肖
區區檢押何足以云如師秉潛蕩之大節發深

雖之遠心前後上章先醒時貴念昔時同門諸
君春秋卷中最爲得士劉國基近被洗雪死者
有知獨甘子開年才無茂有清英之色孝廉劉
調父服義冲樸化馴其鄉時值道昏禮宜羔雁
夫贈遠者貴其地產此亦吉之地產也

答舒司寇

吾鄉在昔明德未乏邇向闇軟明公晶晶雄雄

殆欲爲後生所仰接乎書諷以方壯宜近老成
人今滿朝閭氣者多惡少今幸以爲戒無與親
受教無量竊觀先師有戒壯在闕而衰在得益
血氣有餘宜受以不足不足又宜受之以有餘
自消息自補引亦觀其生進退之義也如此然
後可以觀民諸言者誠好事中多少壯益少壯
多下位與物論近與老成更歷之論遠相與黨

遊而執政之遊絕故其氣英既不習於事又不
通於執政之情名位輕而日月長去就不至深
護或以此自熹議隨意生風以羽成闢誠有之
未足爲定也而諸老大臣又多不喜與少年郎
吏有風性者遊物論旣寡所得又進而與執政
親熟其恩禮宴笑因知其所難物盈而慮周中
冬眷礙如井汲且收不復念瓶羸也故傾朝中

尊卑老壯交口相惡莫甚此一二年餘人各有
心明公以諸言事者多惡少正恐諸言事者聞
之又未肯以諸大臣爲善老耳以不佞當之與
其開而兩傷不如交而兩成諸少年宜上遊於
諸老領所宜學時觀而勿語以深厚其器而須
厥成諸老亦宜稍進諸年少好事者挹其盛氣
以自壯自謙無爲執政者所柔因以益知外事

蓋不依竊唯以血氣損益相補之誼年少之資
於老成人猶老成人之資年少闕在不得得在
不闕二也交而用之以二爲一蓋朝家以闕啓
壯者之用而壯者故自以不闕資衰者之用朝
家以得懸衰者之用衰者又能以不得資壯者
之用而後年老與壯交相成也惟血氣未定好
色之遊老成人正無所資之耳如問更有所近

夫亦知好鬪之禍烈於好色正不知好得之譏
深於好鬪耳不佞言若反然衛公九十餘求戒
卿士自稱小子未知臧否誰授以桃報之以李
區區有云感於睿聖報李之誼知門下不爲謹
言撫手一笑

與申敬中

前魏侍御有所列弟從同年宴會中爲首岑兄

言有聞輒發不必可行是言官故事在相國宜
益禮厚魏君首岑兄以告未聞蒲州公有云也
聞爲尊公相國之美輒起魏侍御南銓郎然蒲
州公猶能乘時召鄒君等數人而尊相曰遂益
以鄒君給事黃門中甚善第爾瞻婉彩不足而
貞意有餘昨聞復以直言欲調他用執政不援
衆庶不可戶曉善則歸君過則歸相他臣可言

主勢難幹位至執政不宜此言第恐後之人復以鄒君爲魏君也蕭何一刀筆臣尙能置書過吏尊相國乃起經術從人言著大臣節易耳音張氏諸公子倘有一人明哲援物論之公扶義規邪江陵君何必不悔乃至於今乎當其以諸君杖戍一時竝謂聖意今天下人乃復推惡張君此足下之所明也勉思鄙言以佐忠孝

答趙贊善

主國體者實厭煩言然容者之多言亦主者之
少斷天下前已囂囂而貴臣天隕可謂洗削一
時今又坐失後幸難再今相國雖未有奇號爲
和雅而名公以才名出其門下又戚里見知得
有所言宜莫如足下以足下之才之親不能轉
一和雅之相乃向無所施處談天下事乎三十

六卦寧止一遯世且以足下挾傲而去不益正
言之名意有所念雖夜半遊相國於曲房之中
天下知其無邪心第幸無以去爲言以戚且知
而僅耿耿以去誰不可以去也

再奉張龍峯先生

吾師高明深廣竊在下風奉意承教十二年於
茲矣竊謂吾師且暮可以當世不幸明明之姿

爲氛塹所撻倏然曠然吾師遂中執法得有所
憲慮爲執政助是賀矣承示以執政去畱人物
當有微術行之示世輕重又以賈生不能用絳
灌爲戒觀吾師意欲有以用之也易否泰發平
陂頤頤之義詩傷風雅之變疾時類之不明而
號令之多瘠益惟禮從知意心而平天下好善
惡不善是也不治者反是中治者其人公然邪

而或畱公然直而或去非盡其私暗乃以爲術
而輕重之然術未脫於門而疑填於市矣術安
得施近時名卿大夫亦多上比執政而以爲用
執政尙刑名則亦殺人執政惡言者則亦不善
言者自謂吾將用相國然已爲相國用矣愚賤
無所歷而知竊意定亂利機權或多意外輕重
治平久人才不甚相遠去畱之際風體所繇莫

若以正至於執政處勢倍而更事黠急恐未得
用之不爲執政用而可矣在吾師深微弘妙故
當不假斯論疏附後先或亦不可無四友之一
也

與司吏部

僕宵貌綽約秉意疏質得幸門下最久徽榮至
深去八月中秩奏下覆更與奉陵祠甚幸惠也

都下獲夕以旁避客有所畱言喜茲歲天下復
得明選君竊不自疏外宿意得陳仕宦固爭濃
淡之路矣置之淡則無色與貴人親易媒遠則
難致故南郎者仕人所謂遲迴厭怠之者也鳳
乘於風龍乘於雲仕宦乘於時聖賢亦若而人
耳向長安而笑僕豈惡風雲之壯哉哉知門下
有意畱僕內徵也雖然僕有私願而特不願去

南僕之有南如魚之有水精氣之有垠宅也斷
不可北者有五父母與子異息分身絲忽懸慮
縱以受事乏其溫清何得更忍闊離疎隔間問
乎南都去家水行風利可五日所家大人不遠
一來至月一相聞也北則違絕常百餘日子不
知父母一也僕亡婦二年矣遺息阿遽八齡阿
嘗六周耳推燥分甘用父代母至今兩兒尚枕

藉懷腕行則牽人衣帶引涼避風衣食加損視
病汗下非僕不可在北轡掌何能視兒二也僕
縱北徙正可得六品郎歲食錢可四萬而所僦
門室兩進雜糴疏糴買水上而食一馬二隸費
已不下七萬錢人客過餉十三酬折裁足家累
衣物歲時伏臘耳其餘經紀不能無求南郎多
官舍人從酒米家來三也僕素羸裁過時不得

食臥輒病愴數日每自親擇藥常嘆曰神農於
人有功一得其食二得其藥徒比則朝請謝謂
常盡辰午失食道地精藥多不至北取假頻數
大吏所惡且曹事杳迫寧當舒枕臥邪四也又
南北地性暑雨寒風清汚旣別飛蟲之屬各有
所多南暑可就陰息雨適斷客爲趣耳吏於北
者雖有盲風戾人之面糞人之齒猶將扶馬揚

呼而造也乃至寒時冰厚六尺雪高三丈明星
以朝鼓絕而進折風洞門噫鳴却立沉陰凌兢
瘁灑中骨餐煤食炕爍經銷液又弱不受穢行
見通都道頭不清每爲眩頓春深溝發尤甚遂
有游光赤疫流行瘡首不避頑俊是生青蠅常
白日萬口橫飛集前意不可忍舊都清麗娛人
獨夜苦蚤音妨人眠臥至於垂玄幙燧青煙未

嘗不杳然而云也士風有宜五也凡此五者初
非迂遠奇怪強有維持凡在通懷所宜竝了況
夫邇中軸者不必盡人之才遊閑外者未足定
人之短長安道上大有其人無假於僕此直可
爲知者道也夫銓人者上體其性下刳其情恐
門下牽於眷故未果前諾故復有所云倘得泛
散南郎依疎陵佳氣與通人秀生相與徵酒課

詩滿情而出豈失坐嘯盡諾耶語不云乎斐然成章人各有章偃仰澹淡歷落隱映者此亦鄙人之章也惟明公哀憐成其狂斐

與李道甫

知仙舟今日客滿明當一出夫用人者主人之才爲人用者必非主人也長者常能誘人誘於人者必少年兒也難動者精奇易動者必蚩蚩

之民也目中誰當語此

答馮具區

茱萸館之色笑何日能忘聞明公已了白義更
泄玄真通輝牛女之河採妙虛危之穴二八寶
華等是丈六金身耳乳母難摩稚佛之頂僕禮
可上人直是愛其神秀今便西遊我暑恐更坐
須彌日月隱避處矣層長卿輕華覆代虞淡然

弱采賤人徐茂吾疎秀表物竝是飛來玉泉懷
抱之英也湖上蓴絲山中桂子大足留連三公
六卿面目可曉正恐槐梧望重薜蘿綠輕采真
之興難終應化之情易起則大車冥冥方倚重
於班如矣豈徒咏素食於且淪憫寒泉於未收
已乎包君去時僕方病注伏枕抽筆不盡所云

別沈太僕

尺牘

明公渡江急不得見不知明公更得渡江否虎
以操虧龍以靜全花以上披根以下存名不可
以多取行不可以累危虛以居之可以待時

答管東溟

不佞非有夙慧然能讀門下應制之文覺有殊
詣非時人色澤而已後知門下攝心三一而不
佞亦且從明德先生遊後稍流浪戲逐詩賦歌

舞遊俠如沈君典輩相與傲睨優伊成進士觀
政長安見時俗所號賢人長者其屈伸進退大
略可知而嘿數以前交遊俊趣之士亦復遊衍
判渙無有根抵不如掩門自貞得奉陵祠多暇
豫如明德先生者時在吾心眼中矣見以可上
人之雄聽以李百泉之傑尋其吐屬如獲美劍
方將藉彼永割攀緣而竟以根隨生茲口業不

思譚局之易而題鼎位之癡不諒揮金之難而
怪瑣郎之墨脩慝辨惑先師之戒虛矣不謂門
下長者乃亦漫以爲然捧讀大章可謂焦原有
險曲突無擇其中畫一多有名言昭晬丹青垂
俟來俊若不佞所指似是發蒙振落之資不佞
所當似是迴鑣末引之勢豈敢附君厨之後爲
經營世業之倫哉憶不佞在祠署時晤趙宗伯

公未嘗不問門下起居時宗伯殷殷爲吳中屈
第一指今宗伯在事而中允吳公且接迹凌厲
不富以隣並離其社徵管而誰惟門下及時龍
惕以安或疑上應風雲之求下慰離羣之望

答屠緯真

讀足下手筆所未能忘懷是山人口語一事天
下固有此人初莫脗其鵠也取之鑑罷之中生

其羽毛立其魂魄乍能飛跳便作愁胡但我輩
終常醉以桑椹噤其饑嘯耳寧人負我無我負
人江海蕭條大是羣鷗之致

上張洪陽相公

聞之神器不可爲作用是性宇宙在乎手恢然
有餘上也其次忘身與之決其次存身然孺子
何知之有詩云德輶如毛惟仲山甫舉之愛莫

助之惟閣下萬一無忘家食時端憂天下之意

答郭明謹

讀考工記序大作矧其詞遠其旨易云形乃謂
之器老云埏埴爲器聖人制器如大鈞造形規
矩鈞繩毫孔無不中理入神者周公亦自占多
才多藝能事鬼神匠宰無神五官爲窳於工有
不楷而雁乎賈生洛陽絕才太史公徒寫其怨

急以貌其人政事疏自有別行也班始入疏遂
覺靡長總之吾兄賢者宜識其大無庸妄妄文
筆間也弟乞南部閒郎所謂量而後入幸爲語
山公雖是私乞不妨公次也當索弟官級之外
耳

又

袁子有言知短而不用此賢人之遠者也如弟

豈曰能賢長於用南短於用北深補了耳如仁
兄語是畱弟一北不敢拜明選君之惠矣霜雪
交下翰林主人北風其涼謹以一金佐酒

答呂玉繩

承問弟去春稍有意嘉隆事誠有之忽一奇僧
唾弟曰嚴徐高張陳死人也以筆綴之如以帚
聚塵不如因任人間自有作者弟感其言不復

唐意趙宋事燕不可理近芟之紀傳而止志無
可如何也

再答趙贊善

天下事有損之而益者今日豈宜更畱右武不
出關爲還故御史乎男兒去國不可不成名君
子愛人以德以下生穎絕何所不立見也

答王澹生

弟少年無識嘗與友人論文以爲漢宋文章各極其趣者非可易而學也學宋文不成不失類鶩學漢文不成不止不成虎也因於敝鄉師臆郎舍論李獻吉於歷城趙儀郎舍論李于鱗於金壇鄧孺孝館中論元美各標其文賦中用事出處及增減漢史唐詩字面處見此道神情聲色已盡於昔人今人更無可雄妙者稱能而已

然此其大致未能深論文心之一二而已有傳
於司寇公之壘者公微笑曰隨之湯生標塗吾
文他日有塗湯生文者弟聞之憮然曰王公達
人吾愧之矣而當其時門下於弟則有所謂心
與而目成者人誰無情而忍不報施乎客曰吳
士文而吾鄉質文常有餘質常不足以不足交
有餘辨給固不能相當精微亦不能相致無所

相益有以相損因自引避不敢再謁尚書之門
一參公子之席其風性然也又時知公子之意
雅在氣節不在文章文章已矣而竊觀其時所
號氣節諸君者弟亦未敢深附易不云乎定其
交而後求平其心而後語安其身而後動不然
莫益之或擊之矣迨其擊之也而悔其交容有
及乎且門下人地才美固與弟江外枯槁之士

去就不同何也今之執政者非異人固門下之
父行也執政尙將擇疎鄙有才之士而近之況
如通家之子也才而好遠之豈人情乎夫以門
下之才且親尙負意氣不肯自近其疎鄙有才
之士負意氣者固益以遠矣然則肯自近於執
政執政因而近之者其人又多非負意氣而才
者彼其時政公論安得不兩而執政者之無所

遠聞殆非疎鄙寒士之過皆通家戚里子弟高
者引嫌卑者暱附無有與言之過也以愚計之
門下幸及此時強起除一閑署郎得從容間見
言事執政有當驩然承之誤則愀然而獻疑入
則盡覲出不以語人此亦事父執者禮然而因
以陰就天下之大計亦不可謂非名節事也且
執政所以不受言事者以爲此毀人以自爲名

其愛已也若門下以戚里晚進而規隨其間又
自臣不奎其名執政必以爲愛已而不聽其言
者非人情也然惟門下可以就此正以門下有
美才而負意氣執政所重重之而不親此必門
下負其人地才美不思以用之或意他有所在
先其疑形如此而言不聽交不成此如學漢文
者譏學宋文者皆未有以極其趣不足相短長

也偶感門下推引過至及欲移病塞門似傷於
難世故不惜疊疊言之以門下昔日之心與而
目成庶有當於斯言也

答王宇泰太史

門下殆真人耶世之假人常爲真人苦真人得
意假人影響而附之以相得意真人失意假人
影響而伺之以自得意邊境有人其名曰竊人

之所畏吾得不畏哉僕不敢自謂聖地中人亦
幾乎真者也南都偶與一二君名人而假者持
平理而論天下大事其二人裁伺得僕半語便
推衍傳說幾爲僕大異彼假人者只足與言天
下事歟哉然觀今執政之去就人亦未有以定
真假何在也大勢真之得意處少而假之得意
時多僕欲門下深言無繇矣門下且宜遵時養

存其真

寄王弘陽岡卿

列子莊生最喜天機。天機者馬之所以千里而
人之所以深深。深則安。機淺則危。性命之光
相爲延息。此旨令人惜焉。恍焉大病月餘。益知
有此北望瑯琊醉翁何似。

寄門人賀知悉

尺牘

冀父來不得知忍書近況何如此時惟忍是
心立命忍忍也印也不忍不印忍辱曰鎧難之
矣

寄高太僕

久不聞問知履候無爽長安貴人輒問吾郡薦
誰最所知僕詳宣道趣以爲渾金潤玉不宜
久委泉石間第門下一輩人遠矣無知言者

鄉貴人如短尾羊裁自揜何能庇人憶與拾
芝諸友倡歌踏舞備極一時之致長者時爲欣
然御之北來乃爲物情周攝所苦右軍云晚須
絲竹陶寫覺少年人磊砢更須也還布衣於南
國作傲吏於本朝春秋有作亦何用書高子來
乎

與劉士和司業

尺牘

一卷

廿三

今年大計殊佳是陸公晚節得意處但如此亦
真奇士矣承手命第一生大病坐於多讀多言
多讀多燕多言多漏今稍愧悔兄其許我乎海
上尉當一二年安心供職郭考功未卽開府何
也還臣無所忻喜清人得政耳

答謝繹梅司寇

門下金崎精英玉融風雅鬱貞士之情神顯大

儒之作用近讀風雷之奏彌開日月之章十漸
不克終遇唐宗而豈諱六可長大息逢漢帝以
何嫌今雖爲瑱以言古有投珠於道膏脂瘡痂
時事多非菽粟參苓其言自在

奉李漸菴司寇

閣下爲南主吏計北主法愷亮雍弘以情受信
而靡隨爲法見疑而不動賦政柔嘉仲山父之

憲也惟明公以大道契世不得已而應之善刀而藏止如今日書明公傳後亦當云有古大臣風矣凡大美終之實難惟閣下裁幸

寄萬二愚

讀兄大疏甚善一不負江西二不負友三不負髯聞新太宰清新御史大夫明或能久兄兄亦可效外人怯移病去官已作殿中侍御史不爲

朝廷用更何如

答劉子威侍御論樂

明公不以僕單外無所底猥遺大篇數百萬言
流覽多端莫循其以猥承長者之問聞之凡物
氣而生象象而生畫畫而生書其勑生樂精其
本明其末故氣有微聲有類象有則書成其文
有質有風有光有響義唐老孔所不容言其下

莊管離騷二招李斯鄒陽之書左遷之史馬楊
之賦枚乘之七蘇李十九首詩王賡崔灝長篇
王質夫雜伎其於四者穠曄無衰行其自然變
藹橫極餘於四者偏有短長今時而滅僕弱冠
時一被楚詞琴聲無殊仲華語樂聲依永希微
在茲至於律尺今古綿渺晉子呂覽度數律元
已有殊論遷歎而後愈益悠繆禮失求之野樂

失求之戎大食雞沙猶可按歷至中燕中有琵琶李能爲大獵秋聲初嚴大驚出和門起鳥獸喧嘩鼓吹笳角大合圍趣殺驢呼野前歌鉦旋攢雜并赴然無其文斯亦今之神警矣明公好事有力何不走一俊男于寫其聲因以度諸絲被於簫唱若乃今奏令無過掩絲竹粗爲和矣僕從朝下聞其音時無應制文格之累縱諷前

所陳數公書詩浸淫出其味乃知僕偕計以前
俱爲妄作也方欲本原物氣聲相然無其師吳
人善音幸有因略入其微杳如書所嘆亦已無
人至於文詞意知其然才不能然明公風雅奇
宿無所忽微或當有以證進之耳

再答劉子威

僕本南州鄙產涉獵有年非有奇悟深聽安足

承問樂理獨來教緣厝論律以爲歲差而移代
不相循當有越識然華尼世絕聞韶竝歆非知
旋虛潛積瑕數準通之名京薦自立同時所是
未皆倫野僕前妄云固胡謚雅變黷其音非爲
准論南歌寄節疎促自然五言則二七言則三
變通疎促殆亦由人古曲今絲未爲絕響圭蔭
所立號云字土南趨西音要爲各適耳必欲極

此悟譚似以聲依爲近絕利一原可以百倍僕
恨末矇竝闕前識妄論琴理緩急在絲深浮在
指悲愉在心凡音之生流例非遠太常音調非
所敢言因公有云牽率酬對後有標測容致更
端焉

寄吳復菴司業

明公秉扶輿之峻心發靈鎖之昭質幸直維解

之後起諸危坎之餘卒以孤亭掩此禩絕至便
反閉却掃臥托求去世之喪道抑有由來聞之
儒服世治不輕難得而易祿也易祿而難蓄也
願明公益絕好徑用隆本朝

寄何濱巖先生

某庚午舉於鄉今且當強仕記成童時面受師
訓風義可想嗣後雖遠鑪鑪性局本殊不好鮮

規之技拓落於時流蒞於古讀天台賦續名山
遊推襟送抱常在縉麗渚之墟見津客輒問吳
越清正之士復是誰人而翹車之音不聞將所
搜揚爲何某父母年半百矣敬問吾師令子有
當世才者幾人雍藻請正函丈惟不惜金聲

奉羅近溪先生

受吾師道教至今未有所報良深歉然道學久

禁弟子乘時首奏開之意謂吾鄉吏者當薦召
吾師竟爾寥寥和我者希玄滌所貴雲南進士
張宗載時道吾師畢節時化戢莽部于羽泮宮
之頌不誣矣京師擁臥無致小疏一篇附達

答余中宇先生

某少有伉壯不阿之氣爲秀才業所消復爲屢
上春官所消然終不能消此真氣觀蔡言已發

藥良中某頗有區區之略可以變化天下恨不
見吾師言之言之又似迂者然今之世卒卒不
可得行惟吾師此時宜益以直道繩引上下萬
無以前名自喜弟子不勝爲國翹視

答張起潛先生

某受知弱冠之前契濶壯室之後宛爾紅顏悲
前玄素之緒困彼白魚謬老丹青之篆竟徵吾

帥寵靈獲塵榮伍敢忘所自願弟子意氣時尚
有之不似逞時輒發覩時事上疏一通或曰上
震怒甚今待罪三日不下弟子不精不神蓋可
知矣

寄帥惟審膳部

人生有限之年豈給無窮書籍但用深心取適
於妙第去嶺海如在金陵清虛可以殺人瘴癘

可以活人此中殺活之機於界局何與邪歸苦
熬瘴魄幾易宅疇危之後身寄轉輕語云本見
而草本節解此時然也兄無甚酒幸爲我畱少
許情神相老而嬉

寄石楚陽蘓州

初某公以吳憲拜中丞治吳而明公亦以吳漕
使守吳南都人皆疑之第稍爲不然或二相亦

欲得高品撫教其鄉耳近從蘇來者竝云石公
有羔裘豹飾之節仁而且勇非吳大家所宜然
猶謂石而無瑕人急不得施其牙未幾有此雖
然公之品乃今無疑者矣幸益自堅有李百泉
先生者見其焚書畸人也肯爲求其書寄我駘
蕩否

答劉士和

尺牘

一卷

三十

兄於往編畱意大佳看往昔豪英幹濟知近語
淺天下事體深之十分止可得五六分也

復朱澹菴司空

有懷函丈忽拜良書穆如清風不知其身之在
炎輿也世步多方支吾未易而陸公謝事誰復
意外用人如彼汎舟祗深維繫之思

寄傅太常

委清署而遊瘴海秋去春歸有似舊巢之燕六月一息無意垂天之雲也比意陵祠松栢依依五雲殊深緬戀加以足下風徽縕繁豈不偏反神樂觀道書多半第手點摘清齋時爲下十數籤乎居太常東者前數人皆得給事省中足下體勢當是吏部郎正第居間不如人耳乃如來教又忽不自知其不如人也

寄劉芝陽開府

淑德重地江海安瀾嶺外聞之不勝驩尉吾鄉
在此位者功澤良多吉之周公次歐陽公也有
光前牒是在門下趙侍郎蘇州田賦一疏有可
尋舉否海中丞松江水利今更如何苟利吳人
不必自己同大雅本懷矣故中丞餘姚張公雄
才疎節不爲世知如劍飛沉出土入水幸乃其

子丹徒知縣集義意度魁奇當復大受也又丹
陽縣學訓導李東明薦於躬行若進之六館必
有繩染之益伏惟臺下高其品目引而重之視
時筐篋小吏章句末儒故相矯絕耳

答徐聞熊令

疎愚之資孤焉瘴海天幸得挹長者卷卷還鄉
病起更辱遠諭乃至處以餐餼徐聞幾許圃田

添尉一口可謂荒飽矣九日欲吊長沙懷湘而
雷一宿貴生書院視海上人士自貴其生何如
也萬里炎溟冰雪自愛

答徐聞鄉紳

萬里手教如扶搖從天池南下中間所以尉籍
良過獨念君子學道則愛人常見古人雖流寓
一時不肯僂焉如不終日誠愛人也無論與諸

生相勸厲不敢虛其來卽樸遠編民流離蛋戶
有見未嘗不响尉而提誘之此自門下心神所
炤矣聞貴生書院成甚爲貴地欣暢然必有人
焉加意講德絃歌鼓篴其中乃不鞠爲茂草耳

與張東山司馬

讀門下製作揆敬亭之秀色寫春穀之鳴泉恨
風塵緬邈不得過西昌一聽絃歌南國再酬言

笑也禹金近有新聲否一水兼葭曷任延竚

寄曾大理

諸公竝建牙以出而門下巋然在京知深慈廣
智大脩行人何地不爲福田正不在區區王舍
城耳士和兄精進何若妄意隨時之義惟沖惟
默沖生智默生威沖不默不凝默不沖不韻館
閣師儒體勢尤堪清直至如不佞割雞之材會

於一試小國寡民服食淳足縣官居之數月芒
然化之如三家疇主人不復記城市喧美見桑
麻牛畜成行都無復徙去意偶懷西音陳其下
意藥草有喻佇淮便風

答於彭澤

門下遂翩翩望彭澤而去爲人師可以爲人長
江湖未遠門下宜流清惠之音陶先生柳便是

云後棠陰也

答岳石帆

兄書謂弟不知何以輒爲世疑正以疑處有佳
若鄙爲人所了趣義何云似弟習氣矯厲出出
者故當忘言卽世喜名好事之英弟亦敬之未
能深附也遲遲得其疑世疑何傷當自有不疑
於行者

答李宗誠

劒城拜賢音之廬時佳公子俱不在家倘戀而
去一時有道如見羅先生旣埋星光於赤土有
才如稠原觀察復投龍竹於延津此在宗英宜
深永歎不知此際更有起沉灰收餘駿之隙否
如弟量移殊爲多幸念平昌之於毗陵真齊魯
之於邾莒然且提衿決履支護爲勞不知神君

何以治吳餘月慨然也